

黃孝子尋親紀程
虎口餘生記

清黃向堅撰
清邊大綬撰

進步書
局校印

黃孝子尋親紀程提要

清黃向堅撰崇禎癸未父含美官滇之大姚令屬
鼎革之秋音問闊絕向堅不忍父滯遠方出萬死
不顧一生之計所夕奔走至二萬五千里有奇卒
如其願奉二親以歸編中於山川險易民風澆厚
不遑詳載跋前疐後之時無足怪也至叙地名曰
厯曰過曰入曰達曰至曰抵一字不苟具有史筆
惟岵岵圖無一存者為可惜耳

黃孝子尋親紀程序

吳趨黃子含美以名孝廉累試春官不第鬱鬱謁選人得滇之大姚令予與黃子少同庠又同舉于鄉也知之深其家廉讓而無帶郭之田其人貌類臞仙踪跡落莫而不近于富貴令爾時婉轉公卿故人間上之衣朝衫趨走龍尾道次亦方州雄縣強項自顓而萬里投荒孤羈絕微跼蹴烏蠻獬鬼間有非逋臣遷客之所堪者黃子鹿車載家偃蹇就道親朋相送普普莫能訾省是歲明之崇禎十六年也其明年圓方改步

興朝御天撫運奄有區寓齊趙雍梁傳檄而定又明年江黃甌越盡歸版章維彼南荒睥睨氏箝士大夫遠宦天陲者道隔不能通又五六年巴蜀枸醬大夏印竹猶未入獻職方黃子有子向堅思親既久淚下莫收一旦告墓辭家獨行尋訪以順治之八年辛卯冬十二月張張出門風飡雨卧斷盡草鞋萬里雲南終須直到明年夏五見父于白鹽井其冬奉父若母還鄉以筍輿載二老人短衣隨後萍蓬飄泊歷盡懽悅禍散殃消每得甘寢以明年癸巳夏六月竟抵家門里中耆舊望而驚曰噫嘻炯如鷗行矯如鶴立夫非黃孝廉也耶破帽蒙項蕉衫掩骼夫非徒步訪親之黃生也

耶賢哉孝子史傳罕聞於是相率造門執孝子手問曰自君之出矣山程幾何里水程幾何里其間垠崖崩豁崗巖蹇嶮何以前溪流怪惡風濤洶湧何以濟自信州醴陵以達湘潭五溪過紫岡黎峨以至牂牁羅甸關山迢遞岐路蒼黃其間城郭依然麻菽被野者幾何所并邑邱墟人煙荒絕者又幾何所孝子引袞拭淚具以告明日又更端問曰戎樓驛館失路誰憐清析嚴更譏訶不免且山殍晝嘯乳贗向人爾能不憂否枯魃飛蟲羊肝化火爾能不懼否蠻煙毒霧凍雨悲風則蓋覆乏手龜足繭系急筋虧則痛苦多吾儕偷生坎雷間不知行路願吾子悉言之以廣見聞孝子仰首歔歔又具以告明日復更端問曰始君之往如泛梗然不有其身迨其歸也坐兩白頭於篋與出神焦鬼爛之鄉鳶跼蛇腥之險自帶飯囊蹣跚在後視向所歷既悼前猛又生新懦且公已與其士民習矣方流寓亦有賈島其人者青蛉小邑有諸葛武侯遺蹟焉奈何必以錦城雖好不如還鄉為若翁勸也今若此殆有天幸願吾子畢其說孝子於是俛首泣下曰馬思故樞人思故園此愚父子之鄙情也不足為長者道乃抽枕凹出紀程一卷墨跡慘淡半漬血痕同輩哀其志以授梓人乞不敏一言序其篇端嗟乎鍾儀之操南音莊舄之為越吟也人孰有不懷其鄉土思其邱墓者

哉況黃子解組投間蕭然一詩翁禪子耳徒以筋骨老嬾將伯無人自非有子擔囊
取薪斧冰作糜能無水深梁絕乎非是父無以見志士之苦心非是子無以彰拙宦
之清節雖曰父子天性蓋亦有相成者矣或曰孝子非能憑虛躡景騰撇波也而
奮衣振迹不難至西楚南窮之域是操何術歟列子有云秦人有迷罔之疾者天地
四方猶且倒錯予曰不觀李廣之夜獵乎見草中石以為虎射之中石沒鏃異日射
終不能入無他誠能動物精烈所激無有聞之者也孝子惟知有親雖龍堂虎穴生
死一瞬心無退轉苟非其誠十步之內悞縮如鼠矣史稱江次翁負母避難躬自輓
車不用牛馬皆此意也又何疑焉

順治乙未初春年家友人胡周鼎題

黃孝子尋親紀程序

紀程者紀三吳六詔之程也曷紀乎昔在明時猶戶庭然屬者間阻龍節虎節有所弗信而孝子尋親乃歷險能亨跋涉荒遠故作紀焉孝子者何姑蘇黃向堅也曷言乎孝以其父令大姚滯宦滇南孝子辛荼以往迎與俱歸微但其身得承膝下之歡使其父亦修禴祀於祖廟無有闕遺孝其親且成親之孝天下之言孝者未之或先也孝子即不敢有孝名固辭於人人之稱向堅者必曰孝子孝子云大姚含美氏之在滇也向堅迺在其里積其誠敬通於神明天之所祐率以完聚予蓋讀其紀程而重有感焉寰宇分合自古已然構兵之際民罹水火仇離怨咨骨肉永隔子不舞斑老不首邱其可悲者史不勝書大姚父子獨有天幸苟非素行無罪於鬼神曷以臻此且聞之戴記曰孝者所以事君也禮緯有言求忠臣必于孝子之門蓋孝經一書天明地察事君不忠非孝也以子括臣實無漏義虹玉告備不煩忠經之補作以予觀於大姚備嘗險阻久而弗渝退棲羊谷幾以投荒老矣而至性所鍾不忍棄其墳墓忠孝共貫心蹟亮徹非是父不生是子淵源所厚可不謂之難歟乃若紀中所云楊公畏知者滇人感其庇憫其死尸祝而祀之者甚衆楊為予鄉人庚午舉第一以

道臣歷官相國子因黃生之言因附著之河濱李楷叔則甫撰

黃孝子尋親紀程

清 古吳黃向堅端木父識

崇禎癸未歲。父除授雲南大姚令。挈母及從弟之任。後適逢鼎革。關山阻絕。干戈載途。言念二親歸期。杳不可問。堅夙夜傍徨。痛傷眯目。且遭外侮橫陳。幾至無家。屏居壠畝間。茹荼拮据。筆硯塵封。殆不敢作安飽想。時拜墓側。訴已不孝。置父母於絕域。而不之省。猶得為人後也。耶深愁困苦中。每攝念靜思。雖山長水遠。決無限足之程。但恐不能一日鼓勇踏出大門耳。維時患難稍平。堅神悚悚動儼如親之召我行矣。乃趣家人簡點征衣。含悲相勗。終不出一艱阻之言。滯我行踪。剋期別諸親朋。疑信相半。止予不得。餽我以贐。酌我以酒。贈我以言。堅惕焉感。拜於是遂行。

順治辛卯臘月朔。拜墓辭家。臨別視身如蛻。不令兒女子輩悲涕牽衣。亦不忍回首分付一語。承五六長幼至戚相送登舟。瞬息天涯發舟之江城。索王雨民家書。不得計程五日抵杭。至江頭覓船。南望雲山層疊。江流淼渺。坐蓬底不覺熱淚淫淫下矣。停一日放帆。自富陽桐廬蘭溪嚴衢諸處合上數十大灘。旬日抵常山。舟中雨雪頗

多。嚴寒苦耐。陸行歇草坪鋪。曉起霜天路滑。朔風刮面前。出玉山縣。附舟下廣信府。泊沿山河口。同舟者。酗酒致予失足。幾危。過貴溪。弋陽。望龍虎諸山。景色絕勝。殊無好懷。八九日。合下數十大灘。轉上水。抵鄧家埠。適羣盜焚劫。烟燄未息。船不敢刺岸。泊江中。候曉登程。從此始托足芒鞋矣。路次多盜。多虎。佳山佳水。悉成苦況。除逼投許灣客舍。孤身逆旅。回念家鄉。日去日遠。未知何年得與二親還家。事難前期。惟藉彼蒼默佑。壬辰歲朝。拈香望南心禱。泫然泣下。主人設席勸飲。強醉。夜發雷電雨雪。浹旬。初九日。蹕泥觸水。由流坊達撫州。踰狀元嶺。至戰坪。出豐城。臨江界。時值元宵。歇鰲坊李姓家。情深如故。人在途時。遇雨雪。踵趾破裂。痛楚頻頻。倒地身如泥塗。自顧堪憐。往往僵卧道旁。探去路多歧。進水南。歇農家。竟伴得同行者二人。見予孑身孱怯。徒步艱難。互相設言。前途戰爭靡息。行旅久絕。路有虎狼之虞。身有疾病之憂。固却促予速歸。予無退志。無懼色。強與行。十九夜。乘月發。足幾落澗中。早至樟樹鎮。渡大江。從山谷最僻處問路。曰金樓水。白慈化。青山黃岡。桐水。俱在分宜袁州醴陵之間。村居悉依山傍水。茅簷土壁。儘可安歇。但山徑崎嶇。多圯橋斷。岸臨之股。慄間有烟火荒絕處。則裹糧而行。顛躓頻頻。計行十三站。至二月初旬。得渡湘江。寓湘潭。

縣城外。左足血瘀腫赤。痛不能禁。用瓦針刺血。憔悴支離。眠餐幾廢。同行者深為予
惋惜。又設疑畏之語。沮予前進。唯唯謝之云。予出門時。將萬念放下。雖艱危敢不自
力。淚封家信一函。附同行者寄回。養足五日。由湘鄉渡江而西。上寶慶府。四望荒山。
田多草萊。觸體徧野。虎跡如碗。偶見羣鹿當徑。逐之則陣圍。亦可駭。凡去路通塞。日
每先於宿處得之。陟峻嶺。則汗滴沾背。蹕深溪。則冷刺入骨。幸足力漸好。善走又善
飯。日擎蓋。始覺酸疼。久若相忘。風風雨雨。恰行十五日。至高沙市。距武岡州六十里。
翹首天南。重嶺雲封。綿亘如長城。遠帶內。即蠻夷部落聚居。所謂五陵溪是也。從此
得間道。多崇山複澗。足雖壯。往目幾為之淒斷。歇水坐敗屋中。夜雨傾盆。苦不能睡。
用蓋支坐。待曉將出。洪江關有北兵守險。遭回不前。既出人烟斷絕。時而深谷荒菁。
時而崩頭澗底。困踣異常。幾令此身無處安頓。曉上桃子巖。此地苗獠出入害人。山
農結伴持矛帶弩而耕。進大龍壁擁塞得獨木船。渡大溪三道。礮岸臨於怒濤之上。
傍徨踟躕。高深是懼。山中業篁古木。陰森蔽日。悉從無路處覓路。且有異花紅紫間
出。有異鳥悲鳴不絕。殘葉盈尺。落花相襯。如層褥。瞥見荒邱。祭掃凄然。有墳墓想。時
尚在沅靖粵西之界。乙鄉導轉入西溪柳寨。俱係苗地。苗民椎髻懸環。語言駛舌。或有

能通漢語者亦知留客作供具。釀酒如蜜。春米如雪。其巖壑之幽深。泉石之奇怪。大都皆世人所不經見者。出舊寨即便水驛之南岸也。地方久無統轄。亂山環繞。極目草迷。多漲沙。多流潦。多獸跡。踟躕歷晃州。至鮎魚坡。幾至無屋可歇。忽聞人語於秦莽磈礫間。尋聲覓宿。得新結草房。尚未築垣。用茅刺相圍。抱膝不敢睡。來日岸草蔽身。捍頭目。行不得。昂步聞炮聲。遙望烽煙。知秦關不遠。又前見伐木重圍樹柵如城。空際懸一大鐘。兵士立於層梯。雄聲詰問。予又前。喋喋多厲言。以姦細目我。傳令啟柵放進。將主作嗔怒狀。左右持戟恣睢。叩我籍貫姓名。來幹何事。要從那裏去。予涕泣跪告。獨身冒險而來。只為父母在雲南。數年音問不通。存亡未知。特來尋訪。實無他意。探子得情。顧左右曰。前途尚遙。羸怯若此。如何可去。留宿營房。更盡差騎押至平溪。見高總戎。又具以情稟。加意矜憐。云尋親果真。當給票放之前去。明日午後渡江。歇清浪。又明日渡江。歇焦溪。兩日江畔荒寂。舉目驚心。塘兵忽大聲喚我莫走。有虎在前山。宜小心。予恐往前。果見虎跡歷歷。踰雞鳴關。多層崖絕壁。關隘重重。達鎮遠府。府治不設城郭。四隅高山屏立。岵嶇中帶大溪。如據萬丈之城。臨不測之淵。跨大橋一虹。東岸有紫陽書院。樓閣臨於絕巖。有帥府駐兵。觀望許久。潛訪姚邑音耗。

未的。此處有厲禁。非其民不得上。密遇楚黃人楊姓者。追隨入黔。進紫崗。油炸諸關。歷相見坡。萬山雄惡。撐天雲日多異色。大溪穿入巖穴。約半日程。仍由山腹中瀉出。怪怪奇奇。皆思議所不及者。歇偏橋衛學舍。尋上新添龍里清平。一路高山排列。嵐瘴盡塞。恍疑鬼窟。深溪架梁。寒瘴可畏。下峻嶺。百步九折。過蔴哈葛鏡橋。狁狁寨。對岸削壁陡絕。鐫神留宇宙四大字在上。至平越府。山勢巍峩。路紆折如羊腸。兩旁俱苗蠻巢穴。昔年官商每受苗害。選山之最銳者設哨備警。今十里立塘。塘兵時被虎獸去。嶺頭坡足骸骨枕藉。商旅絕跡。止見飛騎往來衝突。又見割耳剗鼻之人。更有兩手俱去者。猶堪負重行遠。慘甚。即有奇山異水不敢流覽。一宿山寺。一宿塘鋪。炊飯烘火。不得倒睡。自高沙市入貴陽府。計程一月有餘。絲谷角歷關隘數里。驗票進城。城內屢遭屠戮。居民寒寒。楊君憐我留歸。頗親厚。途中凡遇神宇。必進禮禱。祝時詣帝廟。卜二親消息。或見予髮未壯。伺予欲執。適過程姓者言及遠來尋親。錯愕疎聽。顧謂予曰。我新安人也。寓居廬州。幼年被擄至蜀。今經二十年。不知父母家鄉在何處。悲咽良久。云我往衙門查汝父履歷。便知下落。晚袖片紙鈔父告致緣由。在丁亥冬已解任矣。予深喜。倘得相逢。圖歸有日。但未知隱於何處。復囑予當上一稟啟。

於主帥有票方可去尋訪。在寓搨管為萬里尋親事。草數行成。凌晨雨中袖啟未達。府前兵衛駢填。象馬塞道。予逡巡於隊伍之中。啟不及上。時四月初一日也。次早呈進。晚刻即發下。批據實非姦細的係尋親。著給票與他去。初三日領票。又詰問數四方給票得行。臨行承他鄉三四友相賀贈別。有熊姓者攜手送至郊外。灑淚勉予云。雖無伴侶。有票當放膽行去。揖別。遙相致望。尚在城隅拭淚。未及數里。兵馬橫戈。支戟擁道。不得前。站坡足數間。驗票。轟前一人傳諭。好生讓他走。又數里許。突遇一卒將織擊破。疾馳去。驚疑未省。進威清。城中茅屋數間。空諸所有。席地而坐。見一卒執小紅棍夾一帖飛馳云。軍令來。速站起。詢前擊織者亦軍令也。明晚達平壩衛。兵馬屯營。兼程歇萬隆鋪。睡草次。四體不能屈伸。達安順府。府公李春鯤驗票。留署中致贈。過安庄衛。歷白水驛。峭壁千尋。奔流瀑布。獨坐縱觀。心目澄竦。歷頂站。崗巒環匝。數息得踰。靈雨兵馬踐踏擁成泥浪。循平沙躍走。深陷沒膝。身若墜淵。幾不得升。次關嶺連峯橫絕。即漢將關索駐兵處也。迄今顯赫。有雄將守險。不易登。上嶺將半。氣喘力絀。倒嶺畔有老僧出茶啜之。強起用蓋作杖。約步登嶺頭。見布帳漫山徧野。羣馬縱放。旌旗蔽空。炮聲如雷。少休下嶺。突騎執至營中。詰問驗票。因勞問途路之苦。

著役設飯緣病不用又給粥一盂夜半起營去予息草店兩日東行囊前走又見兵馬雲集旋嶺而下駕象者乘騎者旗幟炫目山谷震動將暮疾走尋宿又見後營扎於嶺下造飯馳馬紛紜軍容如前驗票又走見羣象塞路休白口坡自進關來凡過郡縣衛所開路廣濶每十里立塘以次驗票稽察無票即係姦細致行人裹足次盤江波濤洶湧兩崖拔壑陡峙鐵索架橋素稱險阨過此盤詰最嚴亦入滇一要害處也把隘將士姓潘係泰州人驗票相留話別酷日炙身俄頃雲合雷雷烈風電蓋淋雨不得蔽從舊城馳至苗寨僅見苗婆一二張口叭叭牛豕潤雜負雨疾走上層嶺雨集成潦洶洶作怒濤飛下衝波猛前股膝聯蹠欲仆雨盛而氣益壯息海馬庄之米不得飽餐烘衣至夜分不睡自出門來嚴霜凍雪淒風苦雨淋頭抹足未有是日之甚披溼衣蚤行上安南衛歷老鴉關奇峯台還飛泉濺衣列岸連延如棧登江西坡過普安州上雲南坡層折巉削雲海茫然凜凜生寒至亦資孔在在被兵幾不成世界路絕行踪時遇苗子成羣遮送軍糧過滇南勝境圉林巒風土便覺與目相見歇平夷衛遇浙東錢公士驢係舊任雲南陽宗知縣落職補署廣文芒鞋謁見瞋目袖手倨視告之曰某從蘇州來尋父親黃大姚的觀面注看敘揖握手大慟隅坐細

詢父親消耗言之甚詳。云當兵戈搶攘。患難相同。而能出險入險者。惟君家父子旋問及山陰景色。又不覺悲喜交集者。二明。歷盡自傾談至篝燈而罷。是日知父母無恙。始確寓姚之白鹽井也。曉起精心勇行。中道山水瀾漫。寒裳行二十餘里。毫不覺苦。歇需益之交水城中。遇江右客桑姓者。繾綣如故交。不忍即別。到曲靖府城外。敗垣頽立。僅存諸葛遺踪一坊。挂號時各官在社廟祈晴。門役奉票送驗。愕然。促語命吏引見。予短衣草履。叩謁多禮貌。涕泣不敢仰視。見予病目。似離咸咄咄驚歎。勞問。予悲咽不能答。下寓有古道臺。諱心者。即回署相邀。留至榻前。備言老父受難之苦。不做官之樂。棲心釋典。恬泊無營。有真仙真佛之稱。隨詢中原風景。密語而默應。聞予欲接二親回家。又默然久之。云不做官可歸。無他戀可歸。繼為予計路費之難。慮關津之險。每作皺眉狀。把盞劇談。至更餘贈別。次早府公劉諱文治者留飯別去。差騎馳至數里外。致贈古劉二公。蜀人也。係父同寅。更相守姚。故知父行藏甚悉。待予意甚厚也。歷小關嶺。過易隆。涉流侵路。渡楊林海子龍見雨作。風狂曳舟幾覆。冒雨登岸。歇楊林驛。計三四程。由坂橋過歸化寺。營房鱗集。嚴加盤詰。又數里入雲南省。至白塔關。兵衛去帽嚴查。多唱叱聲。驗票放行。歇項伯亮店。少頃軍民擠門。無不驚訝。店主率予將票呈報帥府訖。自貴陽至此合

二十站行二十六日。有滇中人宦遊於中土者。又有蘇杭阻隔在滇者。凡屬親知。悉來寓競相叩問不休。雲南自乙酉年九月遭元謀縣土司吾必奎叛亂。調臨安土司沙定洲援征兵變。沐鎮失守。西竄永昌。沙賊盤踞省中。兵連楚雄。金滄道臺楊公諱畏知者相拒年餘。丁亥春。川兵繇黔入滇。破曲靖。定洲敗走。棄省城東歸。省城百姓迎降。故城中無血戰之苦。隨進攻臨安。搗諸夷寨。沿途地方有拒敵者。咸被屠戮。定洲遠遁。收其降卒萬餘。復回兵攻楚雄。楊公力戰被擒。說以仁義。勸勿殺掠。故滇西賴公初不受兵。尋執沐鎮歸省。置部下。更用密計擒定洲。並其妻萬氏。俱磔於市。繇是土司懾服。悉聽調用。兵勢益強。復往黔中收諸部落。及己丑年。迤西土司結連邊將。擁一女主起義。謀取諸郡。屠戮略如迤東。雖僻遠如麗江。亦被所擄。惟省城為之改觀。內設重城。大起府第。非復舊日之規模。南城外闢一大操場。多毀民屋。更造營房。惟金馬碧雞二坊在焉。滇俗用海肥。今皆毀去。錢法多異鑄。辛卯春。楊公詣安隆拜辭回黔。尋被戮。滇民感其庇。咸圖像祝之。予時逗遛在寓。凡得所聞見者如此。念故鄉雖遠。喜親闈漸近。見龍舟競渡。不免鄉思煎人。初三日。出昆明驛。過石壁村。係崑山邑侯楊公諱永言者家在焉。傳一口信訖。歇碧雞關。望滇海及太華諸峯。山光

水色縹緲相涵。此南詔一大觀也。早達安寧州。聞吾蘇張公祖諱堯年者。本州人也。進城寄一口信。州內兵馬衆多。見予被髮相圖詰問。伊親邀至家。住三泊縣。趣長君歸。見太夫人和淚出拜堂前。留樓頭問公踪跡。告之曰。仍寓江浦。已有子矣。將信將疑。忽悲忽喜。明早見舊州侯陳公振奇。黃巖人。受禍落職。賦詩自娛。言念天台石梁。墮淚沾襟。云我有三子在家。緣何不來。益為之痛悼。欲留過端午。固辭致贈。泣送至城西。由祿豐縣入黑鹽井。行三日。路介崗嶺之間。拜門賢王用賓。驚喜相泣。細叩老父行藏。云老師出簾後。干戈競起。迤西道阻。渡滇海。避晉寧一月。歸縣臘杪。慘却衣履無存。丙戌復攝篆三姚。會兵楚城。推為武元監軍。時粵中行取報到。不及啟行。未幾滇事大壞。即挂冠潛避。入外拍喇。西兵振旅南旋。強出。以死自誓。即固辭還山。流離播遷。避兵鐵索營。至己丑五月。會營將張儒起兵。謀洩。全家被戮。幾罹大禍。已作出世想矣。不意今日有此奇緣。大為吾父子慶。厚贈遣騎送過琅井。入尹公署中一宿。曉歷大坡與後山。更上幾層。遵石渡澗。樹覆濃蔭。遠近莫辨。過定遠縣。踰諸葛嶺。日晡達姚安府。俱坭垣敗屋。一望淒涼。過昔年屬吏史起鵬。痛言三姚受兵之慘。深幸老父去官之早。謁府公任熙州侯嚴士龍。老父對房門生也。各送程儀。答拜設席。青